

四庫全書

史部

欽定四庫全書

姑蘇志卷十五

明 王鏊 撰

田賦 稅課貢役附

今天下財賦多仰於東南而蘇爲甲然禹貢揚州  
厥田下下唐天寶而後東南財賦始增至宋元彌  
盛然考之舊誌宋元歲數在蘇者宋三十餘萬石  
元八十餘萬石國朝幾至三百萬自古東南財賦  
又未有若今日之盛者也夫聚於上者多則存於

下者能無憾乎此爲治者之所當念也

田地

宋之田有曰公田

爲充進軍食

每畝起租上自一石五斗下

至七斗一升四合

按宋史淳化中田制爲三品膏沃而無水旱爲上品沃壤而有水旱

之患崩瘠而無水旱之虞爲中品瘠瘠復患水旱者爲下品上百畝中百五十畝下二百畝只計百畝十

收其三恐無

曰圍田

傍江湖水淺處民圍爲田

租四斗或三斗曰

沙田

民自經理江湖沙漲地爲田

租三斗或二斗曰成田

民墾耕草地爲

田納糧二斗曰營田

民用工本耕種係官空間田

租四斗或二斗

二升曰職田

給與文武官養廉地民佃起糧

上自八斗七升下至六

斗三合五勺

附錄宋咸平二年復唐制吏得職田供祭祀六縣通管六萬六千八百八十八畝有

奇租一萬八千二百石有奇知軍府事八百六十石有奇通判軍府事

句 僉判 句 教授 句 節推添差節推

句 察權 句

知錄 句 司理 句 司法 句 戶監糧料院監糶納

倉監都稅監在城稅務監贍軍庫監都酒務監比較

務 句 排岸 句 巡轄 句 總管 句 路鈐添差路鈐 句 路

分添差路分東南第三正將 句 南一廂官南二廂官

北一廂官北二廂官常平司提幹茶鹽司提幹文臣

支鹽官武臣支鹽官黃姚押袋官江灣押袋官監黃

姚鹽場監江灣鹽場監南踰鹽場各有差知吳縣事

三百石知長洲縣事三百六十石知崑山縣事四百

四十石知常熟縣事六百八十石知吳江縣事三百

八十石知嘉定縣事一百五十石各有奇縣丞主簿

尉及巡塘官句巡檢句監酒務監稅務以下各有差  
元則平江路達魯噶齊總管各一員每員田八頃同  
知治中府判推官經歷知事提控案牘照磨承發架  
閣蒙古教授兩醫學教授錄事司達魯噶齊句錄事  
句錄判各有差吳縣長洲二縣達魯噶齊縣尹每員  
職田二頃縣丞縣尉典史巡檢各有差崑山常熟吳  
江嘉定四州達魯噶齊知州每員職田四頃同知州  
判提控案牘都目各有差海道都漕運萬戶府達魯  
噶齊正萬戶副萬戶經歷知事照磨檢校通事驛史  
鎮撫千戶達魯噶齊正千戶副千戶止有祿米無田  
國初蘇州衛太倉衛指揮僉事亦有  
撥賜田歲收米一百六十石今無  
曰常平田係入

官曰義役田

鄉民出助保  
正差役者

曰社倉田

官買民田歲  
儲備荒者

曰

局官租田曰養濟局田曰居養院田

恤養鰥寡孤獨  
老幼殘疾者

曰囚糧田

官發以充囚食

曰沒官田

乃斷沒各項田土

科租高下有

差高者不踰一石五斗下至二斗

元之田則有圍二縣四州共計八千八百二十九圍吳

縣九百一十七圍長洲縣一千七百八十八圍常熟

州一千一百一十一圍吳江州三千三百六十八圍

崑山州一千六百四十五圍嘉定州一千一百圍延

祐四年行經理之法悉以上中下三等八則計畝起科

國朝洪武初七縣官民田地共六萬七千四百九十頃

有奇官田地二萬九千九百頃有奇起科凡一十一  
則一則七斗三升一則六斗三升一則五斗三升一  
則四斗三升一則三斗三升一則二斗三升一則一  
斗三升一則一斗一則五升一則三升一則一升又

臣還官田開耕田俱名官田  
重則有一石六斗三升者

民田地二萬九千四十

五頃有奇起科凡十則一則五斗三升一則四斗三  
升一則三斗三升一則二斗六升一則二斗三升一  
則一斗六升一則一斗三升一則五升一則三升一

則一升抄沒田地一萬六千六百三十八頃有奇內  
有原額今科之分原額田起科凡六則一則七斗三  
升一則六斗三升一則五斗六升一則五斗三升一  
則四斗三升一則四斗今科田自五斗五升至三升  
止凡二十八則崇明官田又有曰江淮田江浙田職  
田學院田俱科黃赤豈抄沒田有曰故官田江浙故  
官田沒官田俱稅米

弘治十六年一州七縣實徵官民抄沒田地山蕩等



項共九萬四千七百八十五頃有奇官田抄沒等項

六萬五千三頃有奇民田等項三萬四千六百九十

七頃有奇

吳縣官田地等項三千六百三十三頃有奇民田地等項三千四百七十頃有奇長

洲縣官田地等項九千七百六十頃民田地等項三千七百九十二頃有奇學田一十四頃有奇崑山縣官田地等項九千九百二十六頃有奇民田地二千二百二十二頃有奇常熟縣官田地等項八千四百四十二頃民田地八千一十三頃有奇吳江縣官田地等項八千七百一十九頃民田地等項四千二百三十八頃有奇嘉定縣官田地等項一萬四百六十六頃民田地等項四千一百六十四頃有奇太倉州官田地等項六千九百頃有奇民田地等項二千七百一十九頃有奇學田四十六畝有奇崇明縣官田

地等項二千二百四十八頃有  
奇民田六千七百五頃有奇

嘉靖十七年太倉等八州縣原額科糧官民田地等  
項八萬六千三百九十七頃有奇除崇明縣官民田  
地塗蕩八千三百二十四頃有奇今經清查弊隱田  
二千八百三十九頃有奇於內陰消過弊田四百五

十三頃有奇

吳縣田地等項原額四千九百五十三  
頃有奇今清出一十一頃有奇共實科

四千九百六十四頃有奇長洲縣田地等項原額一  
萬二千四百八十六頃有奇今清出五百一十二頃  
有奇共實科一萬二千九百九十八頃有奇崑山縣  
田地等項原額一萬一千五百二十五頃有奇今清

出二十四頃有奇共實科一萬一千五百四十九頃  
有奇常熟縣田地等項原額一萬四千八百二十一  
頃有奇今清出三百七十六頃有奇共實科一萬五  
千一百九十七頃有奇吳江縣田地等項原額一萬  
一千八百七十七頃有奇今清出二十一頃有奇共  
實科一萬一千八百九十八頃有奇嘉定縣田地等  
項原額一萬二千九百九十九頃有奇今清出一千  
二十六頃有奇共實科一萬四千二十五頃有奇太  
倉州田地等項原額九千四百九十九頃有奇今清出四  
百二十頃有奇共實科九千九百一十頃有奇崇明  
縣田地等項止科原額八  
千三百二十四頃有奇

稅糧

宋初盡削錢氏白配之目遣右補闕王永高象先各乘

遞馬均定稅數只作中下兩等中田一畝夏稅錢四文四分秋米八升下田一畝錢三文三分米七升四合取於民者不過如此自熙豐更法崇觀多事靖炎軍興隨時增益始不一矣

祥符間夏稅丁身鹽錢一萬六千二百貫絹五萬四千四百疋紬二千七百疋綿四千四斤各有奇秋白粳米三十一萬三千七百石有奇元豐三年歲輸帛凡八萬疋苗三十四萬九千斛纊二萬五千兩免役

錢八萬五千緡皆有奇淳熙十一年苗二十四萬三千二百五十六石夏稅折帛錢四十三萬九千三百五十六貫上供諸色錢一百二十三萬一千二百八貫各有奇寶祐初苗額二十八萬八千六百石有奇五年增爲三十萬三千三百八十石爲定額

官民之害由此

始景德元年郡守程元鳳以事故之數具奏免徵民賴以蘇

自後歲實徵稅管三

十五萬六千五百貫闕子苗米二十八萬三千九百石續管二萬三千三百石贍軍米九千四百石各有

奇

按宋史紹興十一年左司員外郎李椿年言平江歲入昔十七萬有奇今按籍雖三十萬斛然實入

纔二十

萬耳

元延祐四年夏稅絲二萬二千四百斤秋租糧八十八

萬二千一百石輕賣二千二百錠

所入與宋倍蓰

國朝洪武初夏稅絲二十五萬四千三百兩大麥正耗

一萬一百石小麥五萬一千八百石豆一十七石菜

子二十七石糧糙粳米九十四石錢鈔一萬九百八

十貫各有奇

秋糧正耗二百一十四萬六千六百石黃豆二千七百八十石各有奇花椒八斤七兩五錢

弘治十六年夏稅絲三十二萬八千四百六十兩有

奇

吳縣三萬五千兩長洲縣九萬九千兩崑山縣三萬四千五百兩常熟縣六萬三千五百兩吳江縣

四萬五千三百兩嘉定縣四萬三千九

百兩太倉州三萬六千五百兩各有奇

麥五萬三千六百六十四石有奇

吳縣三千四百石長洲縣一千八百

石崑山縣一千二百石常熟縣三千八百石吳江縣

二千九百石嘉定縣五千一百石太倉州三萬二千

二百石崇明縣一

萬三千石各有奇

鈔二萬一千九百六十三貫七百七十二文

崇明縣鈔俱無

秋糧正米二百三萬八千六百四十石連耗共米三

百五萬六千一十四石各有奇

吳縣一十三萬四百石長洲縣四十一萬

七千七百石崑山縣二十八萬九千八百石常熟縣二十九萬八千一百石嘉定縣二十八萬四千六百石太倉州二十一萬三百石崇明縣二萬四千四百石各有奇

按洪武初官田重額止於七斗三升而今民間乃有一石三斗一石六斗或二石者蓋莫知其所始豈所謂抄沒官田者乎固非定則也且洪武中正耗不過



二百一十四萬然猶屢下寬貸之詔

洪武四年中書省宣使張彬賁

詔開讀免過秋糧二百四十二萬六千八百石有奇六年八月奉旨今年三四月間蘇州各縣小民缺食曾教府縣鄉里接濟我想那小百姓好生生受原借的糧米不須還官都免了七年中書省劄付奉旨體蘇州松江嘉興三府百姓每好生缺食生受今歲夏稅合納的絲綿錢麥等物盡行蠲免恁省家便出榜去教百姓知道有司糧長每毋得科擾

永樂以來漕運愈遠加耗滋多乃至三百萬石宣廟深憫斯民之困特下詔捐減官田重額知府况鍾又累疏奏減七十餘萬吳民賴以稍甦然民間重額今

猶未盡除豈當時有司不能奉行詔旨之過邪宣德七年

三月節該欽奉勅諭但係官田塘地稅糧不分古額近額悉依宣德五年二月二十日勅諭恩例每田一畝納糧自一斗至四斗者各減十分之二自四斗一升至一石以上者各減十分之三永爲定制欽此凡宋元官田謂之古額

吳縣原額科米一十三萬四百一十二石有奇清出隱蔽科米一千七百一十八石有奇長洲縣原額科米四十一萬二千七百三十一石有奇清出隱蔽科米一萬五千五百一十二石有奇共正米四十二萬八千二百四十三石有奇崑山縣原額科米二十九萬三千六百五十四石有奇清出隱蔽科米二千九百一十五石有奇共正米二十九萬六千五百六十九石有奇常熟縣原額科米三十萬一百九十石有

奇清出隱蔽科米九千一百四十八石有奇共正米三十萬九千三百三十八石有奇吳江縣原額科米三十八萬七千七百一十石有奇清出隱蔽科米二千五百七十石有奇共正米三十九萬二百八十石有奇嘉定縣原額科米二十八萬四千九百七十四石有奇清出隱蔽科米二萬一千七百一十七石有奇共正米三十萬六千六百九十一石有奇太倉州原額科米二十萬四千七百六十七石有奇清出隱蔽科米九千六百一十五石有奇共正米二十四萬四千三百八十二石有奇崇明縣止科原額正米二萬四千四百五十二石有奇吳縣每畝攤徵平米三斗四升四合長洲縣每畝攤徵平米三斗七升五合崑山縣每畝攤徵平米三斗三升五合常熟縣高鄉每畝攤徵平米二斗一升八合低鄉每畝攤徵平米三斗一升八合吳江縣每畝攤徵平米三斗又鰥薄田每畝攤徵合嘉定縣每畝攤徵平米三斗又鰥薄田每畝攤徵

平米二斗太倉州每畝攤徵平米二斗  
八升崇明縣額不起運無耗照舊徵收

### 起運

秋糧運送南北兩京計白糙等米連耗三十七萬九千

四百四十五石

此乃上供及勲臣文官  
吏胥祿俸俱係民運

兌軍運送北京計正米六十五萬五千石耗米五十

七萬七百二十七石

俱漕運總兵派撥各衛官軍來  
倉兌運京通二倉以爲軍儲附

錄宋置淮南二浙江湖六路發運使歲運數百萬石  
由真泗以達汴梁元平宋之後以河運弗便至元十  
九年用丞相巴延之言初通海道乃立運糧萬戶府  
三於蘇州以朱清張瑄羅璧爲之初歲以官船運糧

凡四萬餘石八月劉家港聚會由通州海門縣黃連沙萬里長灘開洋沿山提嶼至鹽城縣歷西海州密膠等州涉靈山洋東北行使月餘纔至成山次年三月方抵直沽二十一年定議近海有力人戶造船募稍水運送依驗十斤百里每石腳價八兩五錢當年運二十九萬五千石二十三年併萬戶府爲二運五十七萬八千餘石二十四年添設二萬戶府連前共四又立行府司轄之二十八年去萬戶府設海道都漕運萬戶府二除都達魯噶齊名嘉琿其副達魯噶齊名托迪與淮東宣慰使張瑄江東宣慰使朱清分任其事腳價七兩五錢三分十年千戶殷明踏開生路自劉家港至崇明三沙放洋望東使入黑水洋收成山轉西至劉家島聚鯨取柴過登州沙門島放葉洋州入界河不旬日抵沽口自後悉由此路三十一  
年監察御史言海運不便照依上都和中糧及用鹽引折糴朝廷以鹽引中糧久而鹽法必壞用沙買

糴久則錢法必虛海道且宜存設當年運五十一萬四千五百石有奇元真元年兩府均運三十四萬五百二石朱張停運腳價六兩五錢自朱張廢罷大德七年併五海道都漕運萬戶府改設達魯噶齊正萬戶各一員副萬戶四員虎符銀印千戶六十七員金牌當年運一百六十七萬二千九百石給賞官吏緞疋有差至大元年萬戶博囉特穆爾陞中書省右丞珮三珠虎符提調海運二年博囉改江浙行省平章提調運三百四十六萬石三年腳價添作每石至元錢一兩六錢香糯一兩七錢皇慶元年腳價每石一十三兩至正間張士誠所運每歲僅一十餘萬石國朝洪武初償運定遠糧凡三十三萬六千一百五十石北平糧一十一萬石官軍俱有行糧係用官船裝載亦由海道抵各衛交割永樂間建都北京命平江伯陳瑄總督漕運乃修治宋元閘壩故跡爲裏河之運凡歲運米四百萬石爲定額

王府白熟米連耗一萬一百七石

此米近年纔運蓋因親王在京戶部

撥充祿米之數及之國乞恩遂令蘇民運送腳價尤爲倍蓰民甚病之夫米天下之通產也何獨蘇然哉特無人建明耳

淮安改兌正耗米五萬五千四百四十石

京庫金花銀折米五十七萬四千五百石

關白綿布折米一十五萬二千石

鳳陽揚州二府折銀米一萬四千五百十八石

商稅

宋置在城及常熟崑山吳江福山凡五務歲辦五萬五千一百貫元則在城木瀆橫金長洲常熟許浦崑山嘉定吳江平望震澤同里凡置務司一十二處額定鈔一萬九千五百一十四錠有奇

國朝在城設稅課司吳縣長洲吳江崑山常熟嘉定同里崇明各設稅課局司局凡九歲辦錢二萬四千二百三十九萬有奇弘治十六年又添太倉州稅課局司局凡十歲辦鈔八萬二百五十七錠折錢八十萬



二千五百有奇司局各辦有差嘉靖四年知府胡纘宗改議於城市各行鋪戶辦納門攤折徵鈔銀各州縣每年共銀五百四十九兩有奇遇閏月加銀四十  
七兩有奇

茶課

宋南渡以前蘇州買茶定額六千五百斤元則無額

國朝茶課驗科徵納計錢三百一十九萬三千有奇

惟吳

長二  
縣有

酒醋課程

宋無酒課而止徵麴錢

數未考

元酒醋課程共計四萬一

千二百七十五錠有奇

國朝洪武十年計一千八百一萬有奇弘治十六年該鈔六千九百五十一錠有奇嘉靖間課鈔一萬五千二百六十五錠有奇折銀二百二十一兩有奇

蕩課

宋無考元竹木蕩課歲辦二千二百三十三錠回回包

銀鈔一百六十九錠各有奇

國朝蕩課錢共二萬三千五百貫有奇

房地債錢

宋樓店務地錢五萬四千二百貫有奇元官房地糧六十四石鈔三百二十錠有奇

國朝洪武初房地債錢三百三十六萬三千九百文有奇弘治間該鈔五千五百九十七錠有奇嘉靖間止徵長吳二縣鈔二千七百三十錠有奇折銀四十兩

有奇

農桑藍靛

宋無考元二縣四州栽桑二十七萬株兵餘無幾

國朝洪武初七縣栽桑一十五萬一千七百株藍靛七千三百六十七斤有奇弘治十六年農桑二十四萬九百三株科絲一萬一千五百三十二兩五錢一分折絹六百四十疋又人丁絲絹一萬二千五百五十疋各有奇

鹽鈔

國朝戶口食鹽鈔一百八萬七千貫有奇折錢二百一十七萬四千文有奇

抽分

元置抽分司長洲縣許墅及分辦崑山太倉凡客商往來貨物以多寡爲則

國朝設官置場於本府閭門對門太倉平望抽分竹木柴炭茅草蘆柴等物後以不便革罷景泰間戶部尚

書金濂建言仍於許墅添設鈔關以算商船料鈔初以本府或縣官監收自後特差主事一員一年而代鈔多寡無定額

土貢

禹貢揚州厥貢惟金三品瑤琨篠簜齒革羽毛惟木厥篚織貝厥包橘柚錫貢

隋貢蜜蠟擁劍鯉腴鰓海鰕子鮓魚乾鱠鮓魚含肚扶芳

唐貢絲葛絲綿八蠶絲緋綾布白簾草蓆鞮大小香杭

橘藕緇皮飯腊鴨胞肚魚魚子白石脂蛇栗

出唐書紅

偏布蛇牀子

出六典

絲布菱米柑橘燈心席燈心草鞋

子口味三十七鰯魚條鮓魚條魚春子

出圖經及九域志經

絲絹綾絹烏銀綾衫段羅紵布折帛布柑

出大唐國要圖所載

不同  
如此

宋貢坐倚席白堪柑橘鹽酸菓子海味鯊魚肚糟薑九

域志薰橘一萬五千顆

治平四年罷

生絲鞋

皇祐初罷

花布二

十合

熙寧三年罷

又別貢葛二十疋白石脂蛇牀子各十

斤蓆二十領進奏院狀淳熙中惟遇聖節貢銀五百

兩絹五百疋葛布二十疋

元貢緇皮鮆腊肚魚海鰕子魚子魚條鰈鮆魚魚春子  
生絲鞣貉皮貉狸皮鴈翎毳毼羊皮翎毛羊皮

國朝歲造紵絲一千五百三十四疋閏月漆一百三十  
九疋俱青紅二色花素相半在城織染局攢織黑漆  
角弓三百二十張弓絃一千六百條黑漆透甲箭四



萬枝雜造局造又有一時派納出於正供之外如織造之類其數莫定不能具載

歲辦皮張水牛皮 白硝麂皮 白真皮 襍皮

翎毛 皂綳紗銅線 蓆草 芒苗 茗簾 黃蔴

白蔴 桐油 州縣派納有差唯崇明縣辦魚油

已上

俱納工部 厨料肥猪 肥鵝 肥雞 鷓鴣 鴈 獐

核桃 菜笋 蒔蘿 茴香 薄荷 木耳 尖頭

松子 蓮肉 紅棗 牙茶 栗子 菱米 榛子

黃臘 燈草 茶葉 蜂蜜 土碱 麝菰 嘉定

縣加辦山藥

已上納  
光祿寺

藥味白扁豆

海金砂 白

牽牛 黑牽牛 紫蘇 青皮 陳皮 荊芥 紫

蘇子 小茴香 蟬蛻 粟殼 香附子 山茨菰

批把葉

烏梅

已上納  
太醫院

今之貢雖責其土之所產亦有購之他處以充者固  
歲有常品而交納之費乃數倍其價云

徭役

宋役制 押錄 貼書 州市坊正 祇候 分手

貼司 引事 廳子 書司 手力

鄉司

鄉戛

戛刺

當直人

橋番散番等請給於縣庫茶酒帳設邀喝

請給於稅務

襍職

弓手

牢子

禁子

市巡

所

由 斛級

斛子

欄頭

務司

酒匠

柵子

直司

腳力

凡保正追會之事

僧直司

承受寺院事件自熙寧行保甲罷耆

戶長壯丁而法始變至元祐復耆戶長壯丁猶以保甲而法大變及紹聖而後以耆戶長壯丁錢盡歸公上而法盡變民避役如避寇舉世盡然端平既正經界乃按籍選差於是因數都義役之舊一以乾道詔

書從事排年任役率田供費條畫列之規約宸旨丁寧一一具載之曾未二十年更革幾無復遺而受害者大抵如故今撫義役省劄著之據平江府狀據常熟縣知縣王丞議申竊惟賦役二事闕於民生利害最大本縣戶版龐亂吏奸縱橫官督虛籍之賦民苦破家之役追惟其弊不忍復言當職自初到官亟圖所以救之修復經界整比叛籍民按實產受常賦貧富小大幸就明實儻不及時團結義役則作偽詭寄以自利尚氣者紛糾前功盡廢抑恐後患滋多迺分委鄉官勸率役產參合都分主客之勢酌斟地里寬窄之宜量役費之重輕準助田之多寡經始於端平丙申四月竣事於嘉熙丁酉五月繕寫成帙申府僉印發下外其間更有數條事體稍重關於義役修廢乞從本府備省朝札下本縣遵守併札提舉常平使司會施行一本縣九鄉五十都義役田地共五萬五百二十畝一角五十八步五尺五寸歲收租米麥共

二萬四千九百九十八石六斗四升一合一勺已隨  
都分大小分撥與保正長聽其任便收支以助役費  
有餘不足官司更不復干預其田並係常平物業不  
許公私典賣亦不許移易轉換違者按法坐罪其助  
田之家將來富者不加增貧者不許取入仕而免者  
不給還一諸都舊亦各有役田止緣役首掩取田租  
或獻納本縣板帳庫或獻納常平司旋即詭名侵佃  
官司苟目前之微利不暇爲赤子深謀庸錢不除役  
費日重在板帳庫者二百餘畝在常平司者見議申  
乞所有今來見管義田日後並不許奸民獻納官司  
亦不當收受一保正長向來充役之費最爲浩輸保  
長既爲產去稅存逃亡戶絕等戶代納稅租保正者  
亦抑之催科例行陪納其他色目尤多如保正則有  
科供竹本科取蕨果科買槽酒節序燈油接官器具  
檢屍定驗之費保長則有著役召保請給虛限出豁  
簿書七夕冬至二節供送吏胥之費加以上落牌頭

開拆司苗稅案誅求無藝已一切禁戢蠲免具申本府及諸司永與蠲除後如吏胥更有纖毫科擾即仰役人與機察糾率衆戶經縣及經上司理訴一今將各都新排經界田籍備錄一本印押交付機察謹密收藏每遇人戶典賣田產並許具狀經縣陳乞送下機察仰置簿打號發下保正役主內係起催夏稅以後入狀者即責付新苗保長內係新催秋苗以後即責付新捺保長令取責契照及兩家砧基點對保長類申機察機察類申本縣送鄉憂局參對官籍移割其詭名寄產者繳回元狀嘉熙元年八月二日奉聖旨王嶠修復經界義役職事修舉與轉一官並下浙西提舉司平江府常熟縣永遠遵行

## 元無考

國朝役制 里長 甲首黃冊造定 巡欄 齋夫

膳夫 館夫 糧夫 庫子 斗級 門子 防夫

皂隸 祗候 弓兵 檢鈔夫 馬夫 水夫 鋪

司 鋪兵俱均徭僉點

巡撫都御史崔恭劄付據長洲縣老人呈先蒙巡撫侍郎

周公念蘇松稅糧繁重百姓艱難深惟民情均其徭役將鄉都通縣排年里長編成一應差役每名出銀一兩輪當一年歇息二年酌量輕重多寡朋合造冊在官猶如車輪而轉吏無那移之弊民得輕解易完至今民有去思之念後蒙本府知府汪澐編作上中下九則之法上戶重役中戶中役下戶輕役然其中以病民者有四九萬人戶付在吏胥之手年月無拘名數不定難以稽考易生奸弊一也數年之內消長難期二也直部隸兵正副出銀一十二兩尚有往迴使用不計中等之家卒難收集三也今本縣以從九則

之冊點選戶役其豐盈庫子并各倉斗級俱應於九則冊內點選今又著里長保選非惟重疊錯亂抑且奸弊復生假如本區人戶王韋關里長保殷實人戶納紅花價銀二兩九錢則冊內點出貼隸兵銀四兩上下難以相照重役多端者四也如蒙乞照侍郎周公所立良法及吊本縣原造文冊詳看仍舊施行參照所呈有理合行割付本府轉屬從公查勘計議停當開立前件定奪施行

馬頭

北京會同館

二名

南京會同館

一名

北直

隸樂城

富莊

瀛海

阜城

東光

歸義

汾

水鄭城

新中

涿鹿

固節

一十一驛

凡一百三

十五

名

南直隸東葛城

雲亭

江東

江淮

滁



陽 大柳樹 紅心 濠梁 睢陽 池河 大店

固鎮一十二驛

凡二百八十名

東銅城

荏山

平原

魚丘

安德

舊縣

太平七驛

凡一百六十四名俱田糧僉充成化

十四年巡按御史劉魁問及馬頭利病有吳縣二十八都耆民陸伯良具呈竊思洪武年間原是北方土民買馬當夫後太宗文皇帝憫土民買馬艱難故此聖旨暫借南方百姓買馬當差過三年仍著土民買馬替他每回來欽此至今百有餘載因循不曾改正又南方百姓不習水土不諳馬性多是雇倩土民養馬既費傭值身又不得歸農況不才驛官串同南北馬頭故將馬匹空餓倒死以規買馬之利以致市鬻子女破蕩家產莫若照依欽旨事理仍著土民養馬當夫止令南方百姓買辦馬價鋪陳等件不拘馬匹

高下例以三年五年爲限如馬過期不死亦是本驛  
官吏人等畜馬有方即以其價歸之如不及期亦是  
本驛官吏人等不行用心或捏病死之故必先期給  
與事體既定則土民自然用心養馬無妄捏倒死之  
弊南方百姓亦情愿辦直以免著役當差之苦南北  
皆便又聞前巡撫侍郎周忱設法前項馬價鋪陳已  
於秋糧中科取謂之義役米後官府於秋糧中既徵  
義役米又取辦馬價實爲重複亦望查考舊案仍於  
義役米中或積出餘米內取辦尤爲便益等因未得  
施行吳縣人丁一十四萬五千一百丁有奇每丁編  
銀三分該銀四千三百五十五兩有奇官民田地五  
千一十一項有奇每畝編銀一分二厘該銀六千一  
十三兩有奇山蕩租鈔等項二千三十一項有奇每  
畝編銀四厘該銀八百一十二兩有奇在城附廓市  
民兩山家資編銀三千五百兩共徵銀一萬四千六  
百八十兩有奇長洲縣人丁一十六萬二千三百丁

有奇每丁編銀三分該銀四千八百六十九兩有奇  
官民田地一萬二千二百三十二頃有奇每畝編銀  
一分一釐該銀一萬三千四百五十六兩有奇山蕩  
租鈔等項七百三頃有奇每畝編銀四釐該銀二百  
八十一兩有奇在城附廓市民家資編銀一千五百  
兩共徵銀二萬一百六兩有奇崑山縣人丁六萬九  
千九百四十丁有奇每丁編銀一分該銀六百九十  
九兩有奇官民田地一萬一千一百九十二頃有奇  
每畝編銀七釐七毫該銀八千六百一十八兩有奇  
山蕩租鈔等項三百九十六頃有奇每畝編銀四釐  
該銀一百五十八兩有奇共徵銀九千四百七十六  
兩有奇常熟縣人丁七萬一百丁有奇每丁編銀一  
分該銀七百一兩有奇官民田地一萬四千八百二  
十一頃有奇每畝編銀七釐七毫該銀一萬一千四  
百一十二兩有奇山蕩租灘等項二千六百四十五  
頃有奇每畝編銀四釐該銀一千五十八兩有奇共

徵銀一萬三千一百七十一兩有奇吳江縣人丁九萬五千六百六十丁有奇每丁編銀三分該銀二千八百七十兩有奇官民田地一萬一千四百五十九頃有奇每畝編銀一分二釐該銀一萬三千七百五十一兩有奇蕩租等項一千四十二頃有奇每畝編銀四釐該銀四百一十六兩有奇共徵銀一萬七千三十八兩有奇嘉定縣人丁一十五萬七千六百四十丁有奇每丁編銀一分該銀一千五百七十六兩有奇官民田地一萬二千九百三十一頃有奇每畝編銀七釐七毫該銀九千九百五十七兩有奇租蕩塗灘等項三百九十三頃有奇每畝編銀四釐該銀一百五十七兩有奇共徵銀一萬一千六百九十一兩有奇太倉州人丁四萬五千五百五十丁有奇每丁編銀一分該銀四百五十五兩有奇官民田地九千四百六十六頃有奇每畝編銀一分一釐該銀一萬三千四百四十七兩有奇山蕩塗租等項二十頃有奇每畝

編銀四釐該銀八兩有奇共徵銀一萬八百一十一兩有奇崇明縣人丁五千二十丁有奇每丁編銀一分該銀五十兩有奇官民田地一千九百七十二頃有奇每畝編銀一分該銀一千九百七十二兩有奇塗蕩等項二千五百三十一頃有奇每畝編銀四釐該銀一千一十二兩有奇共徵銀三千三十五兩有奇

姑蘇志卷十五

欽定四庫全書

姑蘇志卷十六

明 王鏊 撰

城池

凡設險守國必有城池若夫支川曲渠吐納交貫  
舟楫旁通井邑羅絡則未有如吳城者故雖號澤  
國而未嘗有墊溺之患信智者之所經營乎其廢  
置損益列如左

府城即闔閭故城自太伯城梅里平墟諸樊徙都於此

迨闔閭時子胥謀國始相土嘗水象天瀟地以築大

城周迴四十七里

吳地記云四十二里三十步寰宇記云三十里

陸門八以

象天之八風水門八以法地之八卦門之名皆子胥

所制東曰婁曰匠西曰闔曰胥南曰盤曰蛇北曰齊

曰平時周敬王六年也

城門之號見吳越春秋者惟闔蛇望齊越絕書作闔婁平

蛇巫胥齊匠具八門之數吳地記作闔胥盤蛇婁匠齊平而封赤不與續經作盤蛇闔胥婁對將齊而亦

平不與今從吳地記

自後歷代皆仍其舊至隋楊素徙城橫山

東今所謂新郭也唐武德末復還舊城乾符三年王

郢之亂刺史張搏重築之梁龍德二年始以甃甃高二丈四尺厚二丈五尺裏外有濠宋政和中復修治之其故門廢塞者皆刻石爲識宣和五年詔加重甃經建炎兵燹淳熙中知府謝師稷又繕完之至開禧間隕圯殆半而池隍亦多爲菱蕩稻畦侵齧時史彌遠爲常平圖復之嘉定十六年彌遠在相位遂奏請得賜錢粟知府趙汝述沈皞相繼修治爲一路城池之最寶祐二年趙汝歷增置女牆補建葺婁齊三門



樓開慶元年詔復增築景定末風壞婁齊二樓咸淳  
初重建元既定江南凡城池悉命夷堙雖設五門蕩  
無防蔽至正十一年兵起復詔天下繕完城郭監郡

六十太守高履築壘開濠還關胥門

掘土姑蘇驛下  
得石鐫胥門二

字乃重  
關之

至張士誠入據增置月城國朝平吳更加修

築高廣堅緻度越疇昔今城爲亞字形周三十四里  
五十三步九分高二丈三尺女牆高六尺基廣三丈五  
尺自閶門南至胥門六百三十九丈五尺自胥門南

至盤門三百八十八丈七尺自盤門東至葑門一千一百一十八丈自葑門北至婁門八百六十四丈二尺自婁門北至齊門五百八十丈自齊門西至閶門八百九十二丈二尺五寸總計四千四百八十三丈六尺五寸爲一萬二千二百九十三步九分南北一十二里東西九里城內大河三橫四直各門上爲畫樓周循雉堞每十步爲鋪舍內外夾以長濠廣至數丈門皆有釣橋以通出入方故吳時東門不開欲以

絕越也唐時八門悉啓

劉禹錫詩云二八城門開道路許渾詩云共醉八門回畫舸

宋初惟閭胥盤封婁齊六門

寰宇記云水陸十有二門

後胥門又

廢迨元而復

各有水陸門惟胥無水門

今因之門置官軍晝夜守

衛啓閉而鑰鑰蘇州衛掌焉

鄭元祐平江路新築郡城記吳自泰伯至壽夢

而始大及王闔閭用子胥而城郭宮室遂爲東南雄藩世言泰伯城僅三里二百步在今梅里平墟夫泰伯以天下讓宜其不肯自大其城也及闔閭徙都於是子胥築大城周四十五里象天法地城邑旣完府庫旣充遂觀兵上國一傳至夫差而子胥以忠諫死未幾吳爲越併更江左六朝以迄於唐末五季歷前後宋要皆以吳爲大藩屏世祖皇帝一天下包四海爲家六合爲宮不設險於區區城郭也至正十一

年紅巾賊起汝陽明年春浙東海寇劫崑山廉訪使者朝鮮李公深惟平江賦役供國家經費什之七郡無城郭何以禦寇乃謀於監郡六十公太守高公時百需出於吳者日不暇給然築城之役則不得已於是會司屬僚佐驗民之家貲厚薄計量城之長短高下分築之罷弱戶則汰去之豪強而常時役不及者則糾率之寧夏高公爲南臺御史大夫檄庸田僉事馬公董之馬公首捐官帑千錠憲漕水司總府皆捐貲以助然太平日久一旦興大工役民十餘萬當盛暑揮鉏如雲下鉦如雨城之大綿延數百雉漫不知何從列植榦於是公曉以程度槩範而勉以誠慤必若是而後無騫崩之憂民志既齊遂經始於是年夏四月畢工於秋八月城四向一仍子胥之舊水門則仍宋之舊獨啓胥門上建忠孝王廟餘五門上亦皆祠神蓋役興時慮暑雨疾癘爲民害乃禱於神以祈佑故列祠以荅神貺城之高以尺計凡二十有三其

趾三十有五疊石三層以爲固城之面廣大六尺皆  
甃以甃大瓦作水溝每門建戍樓以謹斥堠嚴烽燧  
當人馬陟降處皆列置城眉甬道門內外構屋設官  
居之以察非常城於是備矣其先又給中統鈔二百  
五十貫米一千斛至是合官民用財凡若干萬錠米  
若干萬斛城既完民大喜有依衛則又相與嘆息言  
曰廉訪公非有一廛之宅在吳也然苦心焦思以完  
斯城者蓋上以爲國下以爲民也況東吳北瀕大海  
西南枕震澤於澤國四通五達之衝也郭郭之內官  
糧貯於廩庾者歲數百萬設城郭不完寇攘逼近將  
何以爲國計乎今既完城以爲衛繼今所以守禦之  
者則在乎明有司承流宣化蘇民之力以固結其心  
使吳民愛戴其上如子弟之親父兄夫然後其民以  
仁義爲干櫓禮樂爲甲冑人心既固則與此金城湯  
池併爲天險於無窮也已李公名某字某云梁吳均  
吳城賦古樹荒煙幾百千年云是吳王所遷東有鑄

劍殘水西有舞鶴故厓紫具區之廣澤宕姑蘇之遠  
山僕本蓄怒千愁億恨况復荆棘蕭森叢羅網蔓亭  
梧百尺皆歷地而生枝階筠萬丈或至杪而無葉不  
見春花夏薰唯聞秋蟬冬蝶水魅晨定山鬼夜驚不  
知四海九州乃復有此吳城虞世南吳都詩畫野通淮  
泗星經應斗牛玉牒宏圖表黃旗美氣浮三分開霸  
業萬里宅神州高臺臨茂苑飛閣跨澄流江濤如素  
蓋海氣似珠樓吳趨自有樂還似鏡中遊駱賓王維  
舟皆楚服振策下吳畿盛德弘三讓雄圖枕九圍黃  
池通霸業赤壁暢戎威文物俄遷謝英靈有盛衰行  
歎鴟夷沒遽惜湛盧飛地古煙塵暗年深館宇稀山  
川四望是人事一朝非懸劍空留信亡珠尚識機鄞  
風遙可托關月眇難依西北雲逾滯東南氣轉微徒  
懷伯通隱多謝買臣歸唯有荒臺路薄暮濕征衣崔  
融吳門洛渚問吳潮吳門草色饒晚煙揚柳岸春水  
木蘭撓城邑南溟近星辰北斗遙無因生羽翼輕舉

欽定四庫全書

新編卷十六

五

托還颺劉長卿登吳王古臺登古城兮思古人感賢  
達兮同埃塵望平原兮遠寄目歎姑蘇兮聚麋鹿黃  
池高會事未終滄海橫流人蕩覆伍員殺身誰不冤  
竟看暮樹如所言越王嘗膽安可敵遠取石田何所  
益一朝空謝會稽人萬古猶傷甬東客黍離離兮城  
坡陀牛羊踐兮牧豎歌野無人兮秋草綠園無虛兮  
古木多白楊蕭蕭悲故柯黃雀啾啾爭晚禾荒阡斷  
兮誰重過孤舟逝兮愁若何天寒日暮江楓落葉去辭  
風水自波杜牧二月春風江上來水晶波動碎樓臺  
吳王宮殿柳含翠蘇小宅房花正開解舞細腰何處  
往能歌姹女逐誰回千秋萬古無消息國作荒原人  
作灰○吳王舊國水煙空香徑無人蘭葉紅春色自  
憐歌舞地年年先發館娃宮姚合江城吹角水茫茫  
曲引邊塵怨思長驚起暮天沙上鴈海門斜去兩三  
行王安石朝遊盤門東暮出闔門西四顧茫無人但  
見白日低荒林帶昏煙上有歸鳥啼物皆得所託而

我無安樓文天祥樓臺俯舟楫城郭滿干戈故吏歸  
心少遺民出涕多鳩居無鵲在魚網有鴻過使遂睢  
陽志安危今若何張羽片帆迢遞入吳烟竹淑蘆洲  
斷復連柳影濃遮官道上蟬聲多傍驛樓前近湖魚  
舍皆懸網向浦人家盡種蓮行到吳王夜遊處滿川  
芳草獨堪憐張泰萬井煙花繞故都闔閭宮苑自荒  
蕪江鳧乳浪空警越山黛顰秋已破吳臺下草深無  
過鹿城頭月落已啼烏英雄老去年華在海日瞳矔  
湖水滿

闔門取象天門通闔闔風也闔闔欲破楚楚在西北故

立闔門以通天氣又名破楚門

史傳中或書作昌門俗傳門魯班所造唐

宋時樓櫓最盛有李陽冰篆書門額今亡或謂春申君諱破楚之名改昌門又謂爲望齊門又謂孔子登



東山望吳闔門者皆非○又越絕書別有楚門以爲  
春申所造楚人從之故云恐即破楚門耳唐李紳過  
吳門煙水吳都郭闔門架碧流綠楊深淺巷青翰往  
來舟朱戶千門室丹楹百處樓水光搖極浦草色辨  
長洲憶作麻衣客曾爲旅擢遊放歌隨楚老清燕奉  
諸侯花寺聽鶯入春湖看鴈留里吟傳綺唱鄉語認  
歛謳橋轉攢虹飲波通鬪鷁浮竹扉梅圃靜水檻摘  
園幽絕渚荒麋苑穿巖破虎邱舊風猶越鼓餘俗尚  
吳鉤故館曾閒訪遺基亦遍搜吹臺山木盡香徑佛  
宮秋帳殿菰蒲掩雲房霧露收苧蘿妖廢滅荆棘鬼  
包羞風月俄黃綬經過半白頭重來冠蓋客非復別  
離愁候火分通陌前旌駐外郵水風搖采旆堤柳引  
鳴騶問吏兒孫隔呼名禮敬修顧瞻殊宿昔語默過悲  
憂義感心空在容衰日異偷還持滄海詔從此布皇  
猷張繼耕夫占募逐樓船春草青青萬頃田試上吳  
門看郡郭清明幾處有新煙韋應物獨鳥下高樹遙

知吳苑園淒涼千古意日暮倚閭門白居易閨門四  
望鬱蒼蒼始覺州雄土俗強千萬夫家供課稅五千  
子弟守封疆闔閭城碧鋪青草烏鵲橋紅帶夕陽處  
處樓前飄管吹家家門外泊舟航雲埋古寺山藏色  
月耀娃宮水放光會賞錢塘兼茂苑今來未敢若誇張  
杜牧遺蹤委衰草行客思悠悠昔日人何處終年水自  
流孤烟村戍遠亂雨海門秋吟罷獨歸晚烟雲盡慘  
愁蘇舜欽年華冉冉催人去雲物蕭蕭又變秋家在  
鳳凰山下住江山何事苦相留采芣二首吳王故苑  
古長洲潮汐池邊一佇留秀蕙芳蘭無處所亂莠叢  
葦滿清流○蘋風忽起吹舟悍雨打圖書藏裏亂闔  
門咫尺不安流何況盟津與江漢非無輕楫與長棹逆  
風逆水適相遭須臾風迴水流順星宿浮槎問月高  
朱長文九曲埋淪茂苑荒吳人誰復怨吳王莫嫌故  
國千秋遠知是僊家幾日長湖上只誇浮海相里中  
休笑做顰娘舊時芳徑今猶在但屬漁樵自採香范

成大閭門調行客日夜飛帆與跨鞍閭門川陸路漫  
漫人生自苦身餘幾天色無情歲又寒萬事惟堪六  
如觀一杯莫信四并難重陽雖過黃花少尚有遲開  
玉雪團又自閭門騎馬入越城二首日影穿雲亦未  
濃夜來疏雨洗清空村前村後東風滿畧數桃花一  
萬重○斷橋隕岸數家村雨少晴多減漲痕雪白鵝  
兒綠楊柳日高猶自掩柴門倪瓚望中煙草古長洲  
不見當時麋鹿遊滿目越來溪上水流將春夢過杭  
州高啓登五城門登城望神州風塵暗淮楚江山帶  
睥睨烽火接樓櫓并吞何時休白骨易寸土向來禾  
黍地雨露長榛莽不見征戰場那知邊人苦馬驚西  
風笳鳥散落日鼓鳴呼城下水流恨自今古徐有貞  
二首閬闔門開近帝州麗譙新建倚高秋人間看  
盡三千界天上移來十二樓往事名傳吳伍相平生  
心在漢留侯斗牛宮闕當頭是何必乘槎海外遊○  
碧城樓子聳秋空聲振江山鼓角雄高下亭臺花霧

裏往來舟楫水雲中賦才世豈無王粲飲興時  
應有庾公雙手可將紅日捧扶桑只在畫闌東

胥門一云姑胥門越絕書云外有九曲路闔閭從此遊

姑胥臺以望太湖蓋取姑胥山爲名也祥符圖經云

子胥家于此後抉目懸于門因名

宋紹興中作驛館其上亦號姑蘇臺

今廢○按子胥云懸目東門而此門在西又門名即  
子胥所命亦不應以已居稱要之前說近是又續記  
云夫差伐齊胥門巢將上軍以巢所居爲號按巢在  
子胥後其說亦非及吳越春秋稱吳懸子胥頭以懼  
越軍尤不可信唐皮日休詩青翰虛徐夏思清愁煙  
漠漠苒苒花平醉來欲把田田葉盡裊當時醒酒鯖陸  
龜蒙細漿輕橈下白蘋故城花謝綠陰新豈無今日  
逃名士試問南塘著履人王安石姑胥郭誤號雲巾

別故山抵吳由越兩間關千家漁火秋風市一葉歸  
舟暮雨灣旅病悠悠如困酒鄉愁脉脉似連環情知  
帶眼從前緩更恐顛毛自此斑陳植長堤柳條弄春  
柔姑蘇臺下馬如流春波溶漾綠潑油官船撾鼓百  
花洲旌旗睽黔城上樓煙中雉  
堞高山邱鳴鳴清角行人愁

盤門吳地記云舊曰蟠門蓋嘗刻木爲蟠龍以厭越也

後記云以水陸縈回屈曲改字爲盤

後記又云常有龍潛伏於此以

鼓仗擊逐之即今五樓門是也續志云舊有樓吳說  
題額今廢祥符圖經以此爲蛇門者誤許渾詩無處  
登臨不繫情一憑春酒醉高城暫移羅綺見山色纔  
駐管絃聞水聲花落西亭添別夢柳陰南浦促歸程  
前期迢遞今宵短更倚朱闌待月明蘇舜欽夜出盤  
門紺紉暮見黃金鈎珠璣磊落澄不流紛紛媚景動

波上的的遠勢生沙頭前山暫昏漁唱息唯有疎葦  
吟窮秋予方弭楫對此景時欲乘興長城遊青城蕩  
槳忽遠至雖有雅約猶頻羞綵舟鮮明四窓闌蘭耐  
辛滑佳賓留歌餘清冽貫衆耳笑動姿采生香懽玉  
盤鱸鱸光一色餽簇肴核隨所搜河斜參倒氣愈浩  
我起飲子子必酬共知此會不易得邂逅得此難再  
求區區才知自勞役擾擾塵俗多悲憂已醉更歌更  
起舞明日分散空離愁范成大晚入盤門人語朝諠  
晚吹涼萬窻燈火轉河塘兩行碧柳籠官渡一簇紅  
樓壓女牆何處採菱聞度曲誰家拜月認飄香輕裘  
駿馬慵穿市因倚蒲團入睡鄉張紳朝出盤洲門觀  
兵具區外黃龍分兩翼玄甲列五衛軍威畫角振殺  
氣飛鳥退三門將已發三壘法更祕秋清太白高天  
黑攬槍墜犀從蛟室騰蛇向馬脊蛻雲翻風伯旗雨  
雜川后珮無戰乃  
天功六合不足制

赤門以南面屬火方故名今南城下有溝外濠之水從此入祝橋以出燕家橋即赤門水道也祥符圖經云赤門外有澹臺湖今盤葑二門間有赤門灣府圖指蛇爲赤者誤

蛇門在巳方故云又吳越春秋云闔閭立蛇門以象地戶欲并越故立此以制之吳地在辰其位爲龍故子城南門上反羽爲兩鯢繞以象龍角越在巳其位爲蛇故南大門上置木蛇北首向內示越屬吳也

吳地記云

春申君作蛇門以禦越軍不足據吳越春秋云勾踐  
歸國夫差送於蛇門之外舊經云門上爲龍形勾踐  
作雷門以勝之紹興中胡舜申請此門直開作吳門  
忠告一篇曰吳城以乾亥山爲主陽山是也山在城  
西北屹然獨高爲衆山祖傑立三十里之外其餘岡  
阜纍纍如羣馬南馳皆其支隴城居隴前平夷如掌  
所謂勢來形止全氣之地也如祗自城中觀之則城  
中之地亦唯西北最高是乾亥無疑乾爲天亥則紫  
微帝座所次是謂貴龍此城既主是山法當用金局  
乾亥於大五行屬金故也山如此水則當與山相應  
此邦水勢自東南貪狼西南及正西武曲以至西北  
巨門等位來其來皆原於太湖由正北廉真及正東  
東北祿存而去以入于江而歸之海其來去無一不  
合金局之法故自古常爲大郡國今爲行都藩輔而  
吳中人物繁夥冠蓋崢嶸所以常甲於東南今觀水  
之流派常自闔盤二門入即西南西北水也由葑婁



齊三門出即正東正北東北水也其於來去之法固合然所以導迎善祥氣者尚有缺然蓋胥塘自正西帝旺來是謂武曲之水本由胥門入運河自吳江東南長生來是謂貪狼之水本由蛇門入頃歲乃塞胥蛇二門而生旺之水遂不得朝鄉城中此其爲害明陰陽風水者常嘆惜於斯胥塘之水尚由閶盤二門委曲而入城東南長生之水乃環城而東徑由葑門之外以出於城中了不相關此尤可嘆惜故自頃以來城市蕭條人物衰歇富室無幾且無三世能保其居安土宦達者比承平時寢少至建炎之禍一切掃地至舉城無區宅能存數百千年未之有也按地里法生旺二水利害最切猶人身氣血榮衛今塞絕之能安強乎明知者願圖回其事復開二門導水入城以幸此邦可也胥門適當姑蘇新館勢不可動又武曲但主財富而已蛇門之水爲貪狼主文筆官職之事於理爲重複開之便政和修城於諸故門雖已塞

然皆刻石於右以識今石刻具存但襲府圖之誤以蛇門爲赤門爾蛇門在城之已方故以蛇名赤門以在城正南至陽之地其義可考況蛇門直南正對吳江運河今舟船自南來非東入葑門即西入盤門皆迺遠十數里於水行非便昔吳王闔廬始作城吳子胥實規畫之立水陸門各八其後諸門開閉不常吳時欲以絕越遂不開東南門即蛇門也不知塞絕生氣故終爲越所滅茲亦明效大驗至吳晉李唐時諸門未嘗不開故左太冲賦吳都有通門二八水道陸衝之語劉夢得詩亦曰二八城門開道路故晉唐時吳下最爲雄盛今所啓門者五餘皆閉塞而甚不可塞者唯蛇門究所以閉塞圖經之說爲其多途艱於守衛幾禁噫抑末矣今清蹕暫駐錢塘吳尤當開東南之門以伸朝拱之義焉吳城門不常啓閉舊矣昔年蓋嘗於八門之外又開赤平二門而葑門陸衢蓋嘗塞矣范文正公守郡始命闢之往來至今爲便誠

能遠跡晉唐近效文正復闢蛇門東南虛秀之氣疏導迅發儒道利亨文物之盛非復今日吳下矣乾道甲申冬沈度守郡與舜申舊同寮知其說心善之明年春邦人以爲請度即命官吏行視其處將以十二月乙丑啓蛇門部置已定會屬邑輒呼帶郭民戶悉具畚鍤剋期赴役號召隱然有異意者以爲擾民度避謗乃止淳熙乙未春韓彥古爲守其秋邦人申前請彥古欣然從之卜以九月十二日庚寅差役八月彥古罷是時舜申年八十五矣慨然惋惜謂天時人事難合如此復爲後序告來者詞贅不錄

葑門續記云吳有葑田謂茭土膠結可以種殖者也此門外瀕水故名或謂之封門取故永安縣封禺山名

又名鱖鱖門

史記正義云閭閻城無東門俗傳伍員見夢越軍令從東南入越乃開渠自城

東入名示浦門曰鱄鱄又子胥傳注亦云越開示門  
浦子胥以濤蕩羅城開此門有鱄鱄隨濤入故名門

嘗湮塞范文正公守郡闢之

今吳音呼葑如富反葉  
適詩遺墨固藏神希聖

非立我斷後輒無前實右即虛左品定賦纖洪義明  
分勇懦端木語衛文洙泗皆仰左孔子叙夷齊後進  
尚鬼瑣從來一大事幾作鴻毛荷知非言所及結網  
魚受課誰持空空質放縱無不可茲門小精廬荒寂  
衆萬過欣予二三子拙力守饑卧楊花安得  
攬飛去天隅唾唯有露垂垂滿畦紅藥墮

匠門又名干將門闔閭使干將於此置冶鑄劍故名此  
門水陸二路皆出海道通大海沿松江下滬瀆今廢  
而婁葑之間尚有匠門塘直東又有歐冶廟干將墓

或但云將門意聲之譌或省稱也

婁門以直秦婁縣而名吳地記婁別作嚠范志云今崑山縣東北三里許有聚落尚名婁縣

齊門吳越春秋云闔閭十年既破齊齊以女爲質吳爲

太子波聘之齊女少日夜號泣成疾闔閭乃造北門

令女往遊其上因名曰望齊門

此即齊景公涕泣女吳事吳地記作太子

終累及九層飛樓之說皆非

平門一名巫門吳地記云平門水陸並通出毗陵等道

吳伐齊從此出軍因號平門今有平門塘一云巫咸  
所葬故又號巫門或謂平巫字畫近耳王賓詩商家  
太戊有賢臣  
葬在平門野水濱寒食杏花  
風雨裏一杯椒糝奠何人

### 子城附

子城在大城內東偏相傳亦子胥所築周十二里高二

丈五尺五寸厚二丈三尺

越絕書云小城門三皆有樓其二增水門其一增柴

路今呼爲柴巷虞氏家記云小城白門闔閭所作  
始皇時守官吏燭燕窟失火燒宮而門樓尚存歷

漢唐宋皆以爲郡治

今樵樓西小石橋是子城泄水  
溝石上所刻隸書有唐乾符二

年七月十四日建併  
勾當料匠等姓名張士誠僭竊時爲太尉府繼經

敗燬城夷圮畧盡今獨存南門頽垣上置官鼓司更  
覆以小舍及列十二辰牌按時易之郡人呼爲鼓樓  
城四面舊有水道所謂錦帆涇也今亦多淤其東尚  
存故蹟稱爲濠股

崑山縣城相傳吳子壽夢所築後惟樹竹木爲柵至宋  
猶然元至正十七年方國珍犯境始築土城禦之高  
一丈八尺周一十二里二百七十八步濠深五尺廣

六尺城有六門弘治四年知縣楊子器建樓其上名東曰賓曦西曰留暉南曰朝陽北曰拱極東南曰迎薰西南曰麗澤

常熟縣城初亦列竹木爲柵

祥符經云周二百四十步高一丈厚四尺

建炎

間知縣李闔之始建門五

東行春西秋報南承流北宣化東北介福

元築

土城周一萬四千八百四十丈闢門十一至元十六年張士誠重甃以甃高二丈二尺厚一丈二尺周九

里三十步復增闢小東門今門六

行春秋報阜民即舊承流拱辰即舊



宣化俗呼北旱門通江即舊介  
福俗呼北水門阜安即小東門

吳江縣城梁開平間錢鏐築後廢宋嘉祐二年知縣裴  
煜復建南北二門元至正十二年知縣札牙進重建  
北門十六年張士誠重築高二丈八尺厚一丈五尺  
周五里二十七步四門各以方名陸門四水門三成  
化間知縣陳堯弼重建城樓

嘉定縣城宋嘉定十二年知縣高衍孫築元至正十六  
年張士誠遣其將呂珍再築周一千六百九十四丈

一尺八寸濶三丈高一丈五尺濠濶二丈深五丈門  
四東曰晏海西曰合浦南曰澄江北曰朝京

吳淞江守禦千戶所城在嘉定縣東南四十里洪武十  
九年紫陽侯鄭遇春等築土爲之周五里一十四步  
二十二年千戶施鎮永樂十六年都指揮谷祥張翥  
等相繼增築高二丈七尺四方各闢門一

太倉州城元至正十七年張士誠遣其將闕築

高二丈廣三丈周一十四里五十步濠深一丈五尺

廣八尺陸門七曰大東小南大南小西大西小北大北水門三曰大東小西大西其後門與樓俱廢成化十八年都指揮同知郭鉉復建大南門樓

崇明縣城元至正間所築已圯于海永樂十九年知縣高居正王瑛繼創今城初壘土爲之周九里三十步濠廣十一丈宣德初始甃以甃周一千六百十八丈正統八年都指揮使翁紹宗復增門樓四角樓四警鋪三十門四東曰寧洋西曰承恩南曰迎薰北曰安

順

附吳都賦

左思東吳王孫覲然而咍曰夫上圖景宿辨於天文者也下料物土析於地理者也古先

帝代曾覽八紘之洪緒一六合而光宅翔集遐宇鳥策篆素玉牒石記烏聞梁岷有陟方之館行宮之基

歟而吾子言蜀都之富禺同之有偉其區域美其林數矜巴漢之阻則以爲襲險之右徇蹲鴟之沃則以爲世濟陽九齷齪而算固亦曲士之所歎也旁魄而論都抑非大入之所壯觀也何則土壤不足以攝

生山川不足以周衛公孫國之而破諸葛家之而滅茲乃喪亂之邱墟顛覆之軌轍安可以儷王公而著風烈也翫其磧礫而不窺玉淵者未知驪龍之所蟠也習其敝邑而不覩上邦者未知英雄之所躔也子獨未聞大吳之巨麗乎且有吳之開國也造自泰伯宣於延陵蓋端委之所彰高節之所興建至德以創

洪業世無得而顯稱由克讓以立風俗輕脫躡於千  
乘若率土而論都則非列國之所觖望也故其經畧  
上當星紀拓土畫疆卓犖兼并包括于越跨躡蠻荆  
發女寄其曜翼軫寓其精指衡嶽以鎮野目龍川而  
帶垌爾其山澤則鬼嶷峴光巘溟鬱岬瀆江泮汗渚  
灑森漫或湧川而開瀆或吞江而納漢硨磲硯硯滉  
滉汙淅歛砢砢乎數州之間灌注乎天下之半百川派  
別歸海而會控清引濁混濤并瀨漬薄沸騰寂寥長  
邁漠焉洶洶隱焉磕磕出乎大荒之中行乎東極之  
外經扶桑之中林包暘谷之旁沛潮波汨起迴復萬  
里歎霧逢淖雲蒸昏昧泓澄齋漆瀕溶沆漾莫測其  
深莫究其廣澶沽漠而無涯總有流而爲長瑰異之  
所叢育鱗甲之所集往於是乎長鯨吞航修鯢吐浪  
躍龍騰蛇蛟鼈琵琶王鮪鰐鮓鮒鰱鰻鰭錯烏賊擁劍  
龜鼃鯖鰭涵泳乎其茸鱗鏤甲詭類舛錯汙河順  
流唼喁沈浮鳥則鷗鷀鷓鴣鸕鶿鷦鷯避風候

姑蘇志

晃芬馥盼蠻職貢納其包匭離騷詠其宿莽木則楓  
桺檉樟栢檣枸柳緜抗托攬文穰楨樞平仲梧欂櫨松  
梓古度楠榴之木相思之樹宗生高岡族茂幽阜擢  
本千尋垂蔭萬畝攢柯拿莖重葩殫葉輪囷蚪蟠埽  
璫鱗接榮色雜糅綢繆綉宵露霑霽旭日晦時與  
風颺颺颺颺瀏颺颺鳴條律暢飛音響亮蓋象琴筑并  
奏笙竽俱唱其上則有援父哀吟揮子長嘯狔鼯猱  
然騰趯飛超爭接縣垂競遊遠技驚透沸亂牢落輦  
散其下則有臯羊麋狼獾獬豸象於菟之族犀兕之  
黨鈎爪鋸牙自成鋒穎精若耀星聲若震霆名載於  
山經形鏤於夏鼎其竹則簣簴簵簵挂箭射筒抽梧  
有篁簣筩有叢苞筍抽節往往紫結綠葉紫莖冒霜  
停雪楠蠹森萃蓊茸蕭瑟擅樂嬋娟玉潤碧鮮捎雲  
無以踰嶰谷弗能連鸞鷟食其實鵲鵲擾其間其果  
則丹橘餘甘荔枝之林擯擯無柯柳葉無陰龍眼橄  
欖探榴禦霜結根比景之陰列挺衡山之陽素華斐

丹秀芳臨青壁係紫房鷓鴣南翥而中留孔雀綽羽  
以翱翔山鷄歸飛而來棲翡翠列巢以重行其琛賂  
則琨瑤之阜銅錯之垠火齊之寶駭鷄之珍頰丹明  
璣金華銀撲紫貝流黃縹碧素玉隱賑歲襄雜挿幽  
屏精曜潛穎砮陟山谷碕岸爲之不枯林木爲之潤  
躋隋侯於是鄙其夜光宋玉於是陋其結綠其荒陬  
謫詭則有龍穴內蒸雲雨所儲陵鯉若獸浮石若桴  
雙則比目片則王餘窮陸飲木極沉水居泉室潛織  
而卷綃淵客慷慨而泣珠開比戶以向日齊南冥於  
幽都其四野則吟嘖無數膏腴兼倍原隰殊品宏隆  
異等象耕鳥耘此之自與穡秀菰穗於是乎在蒼海  
爲鹽採山鑄錢國稅再熟之稻鄉貢八蠶之繇徒觀  
其郊隧之內輿都邑之綱紀霸王之所根抵開國之  
所基趾郭周匝重城結隅通門二八水道陸衢所  
以經始用累千祀也憲紫宮以營室廓廣庭之漫漫  
寒暑隔闕於邃宇虹蜺回帶於雲館所以跨躋煥炳



萬里也造姑蘇之高臺臨四遠而特建帶朝夕之濬池佩長洲之茂苑窺東山之府則瓌寶溢目觀海陵之倉則紅粟流行起寢廟於武昌作離宮於建業闡闔閭之所營采夫差之遺法抗神龍之華殿施榮楯而捷獵崇臨海之崔嵬飾赤烏之韞璘東西膠葛南北崢嶸房攏對擴連閣相經閣闢譎詭異出奇名左稱彎碣右號臨硯彫樂鏤案青瑣丹楹圖以雲氣畫以僊靈雖茲宅之夸麗曾未足以少寧思比屋於傾宮畢結瑤而構瓊高闌有閼洞門方軌朱闕雙立馳道如砥樹以青槐亘以綠水玄蔭眈眈清流疊疊列寺七里俠棟陽路屯營擲比解署棊布橫塘查下邑屋隆夸長干延屬飛甍外互其居則高門鼎貴魁岸豪傑虞魏之昆顧陸之裔岐嶷繼體老成奕世躍馬疊跡朱輪累轍陳兵而歸蘭綺內設冠蓋雲陰閭閻闐噎其鄰則有任俠之靡輕詵之客締交翩翩儻從奕奕出躡珠履動以千百里讌巷飲飛觴舉白翹關

扛鼎拚射壺博鄱陽暴謔中酒而作於是樂只衍而  
歡飫無匱都輦殷而四輿來暨水浮陸行方舟結駟  
唱擢轉轂昧旦永日開市朝而並納橫闌闌而流溢  
混品物而同塵并都鄙而爲一士女佇眙商賈駢坐  
紵衣絺服雜沓從萃輕輿按轡以經隧樓船舉颿而  
過肆碁布輻湊而常然致遠流離與珂城縑賄紛紜  
器用萬端金鎰磊砢珠琲闌干挑笙象簾韜於筒中  
蕉葛升越弱於羅紈濯嘉舉膠交貿相競誼諱惶呶  
芬葩蔭映揮袖風飄而紅塵晝昏流汗霖霖而中遠  
泥濘富中之賄貨植之選乘時射利財豐巨萬競其  
區宇則并疆兼巷矜其宴居則珠服玉饌矯材捍壯  
此焉比廬捷若慶忌勇若專諸危冠而出疎劒而趨  
扈帶鮫函扶掖屬鏤藏鏹於人去戲自閭家有鶴膝  
戶有犀渠軍容蓄用器械兼儲吳鉤越棘純鉤湛盧  
戎馬盈於石城戈船掩乎江湖露往霜來日月其除  
草木節解鳥獸脂膚觀鷹隼誠征夫坐組甲建祀姑

命官帥而擁鐸將校獵平具區烏許狼脫夫南西屠  
僭耳黑齒之酋金鄰象郡之渠羈賊羈喬鞞雪警捷  
先驅前途俞騎騁路指南司方出車檻檻被練鏘鏘  
吳王乃中玉輅輶騶騶旂魚須常重光攝烏號佩干  
將羽旄揚旌雄戟耀芒貝胄象弭織文鳥章六軍約  
服四騏龍驤峭格周施置爵普張畢早瑱結昆蹏連  
綱拔距投石之部援臂胛骨狂越獷發鷹麟視趨  
搏拔距若離若合者相與騰躍乎莽畧之野于鹵父  
鋌賜夷勃盧之旅長殺短兵直髮馳騁僂佻仝並銜  
枚無聲悠悠旆旌者相與聊浪乎昧莫之垆鉦鼓疊  
山火烈燄林飛燭浮煙載霞載陰拉攏雷琅崩巒弛  
岑鳥不擇木獸不擇音魑魍繢縹縹縹縹六駿追飛  
生彈驚鷁射猱挺白雉落黑鵠零陵絕嶠嶠聿越嶢  
險跣踰竹栢獼猿杞柙封狶菴神螭掩剛鏃潤霜刃  
染於是弭節頓轡齊鑣駐蹕徘徊徜徉寓目幽蔚覽

將帥之拳勇與士卒之揚抑羽族以嘴距爲刀鉞毛  
羣以齒角爲矛鉞皆體著而應卒所以挂扞而爲創  
痛衝踣而斷筋骨莫不刃銳挫芒拉押摧藏雖有石  
林之岸岬請攘臂而靡之雖有雄虺之九首將抗足  
以趾之顛覆巢居剖破窟宅仰攀鵠鷄俯蹴豺獾刳  
剖能羆之室剝掠虎豹之落猩猩啼而就禽萬萬笑  
而被格屠巴蛇出象骼斬鵬翼掩廣澤輕禽狡獸周  
章夷猶狼跋乎紂中忘其所以睽睨失其所以去就  
魂褫氣懾而自踢跌者應弦而飲羽形儋景僵者累積  
而增益雜襲錯繆傾數薄倒岬岫巖穴無斲縱翳薈  
無鷹鷂思假道於豐隆披重霄而高狩龍鳥免於日  
月窮飛走之棲宿解澗閭岡岵童魯果滿效獲衆迴  
靶乎行睨觀漁乎三江汎舟航於彭蠡渾萬艘而既  
同弘舸連舳巨檻接艫飛雲蓋海制非常摸疊華樓  
而島峙時髣髴於方壺比鷁首而有裕邁餘皇於往  
初張組幃構流蘇開軒幌鏡水區篙工櫂師選自閩

禹習御長風狎翫靈胥責千里於寸陰聊先期而須  
臾擢謳唱簫籟鳴洪流響渚禽驚弋磻放稽鷗鳴虞  
機發留鵲鵲鉤餌縱橫網罟接緒術兼詹公巧傾任  
父筌鮠鰭鱣鱣魴鰱鰻鰾鰼鰾鰼鰼鰼鰼鰼鰼鰼鰼  
羅沈虎潛鹿馬龍僮束徽鯨輩中於羣牯撓撓暴出  
而相屬雖復臨河而釣鯉無異射鮒於井谷結輕舟  
而競逐迎潮水而振緇想萍實之復形訪靈夔於鮫  
人精衛銜石而遇繳文鯀夜飛而觸綸北山亡其翔  
翼西海失其遊鱗雕題之士鏤身之卒比飾虬龍蛟  
螭與對簡其華質則剋費錦績料其虺勇則鵬悍狼  
戾相與昧潛險搜瓌奇摸螭蜺捫覬螭剖巨蚌於回  
淵濯明月於連漪畢天下之至異訖無索而不臻豁  
壑爲之一罄川瀆爲之中貧晒澹臺之見謀聊襲海  
而徇珍載漢女於後舟追晉賈而同塵汨乘流以砰  
宕翼颺風之颺颺直衝濤而上瀨常沛沛以悠悠汜  
可休而凱歸揖天吳與陽侯指包山而爲期集洞庭

而淹留數軍實乎桂林之苑饗戎旅乎落星之樓置  
酒若淮泗積穀若山丘飛輕軒而酌綠醺方雙轡而  
賦珍羞飲烽起醵鼓震士遺倦衆懷欣幸乎館娃之  
宮張女樂而娛羣臣羅金石與絲竹若鈞天之下陳  
登東歌操南音肩陽阿詠韎任荆艷楚舞吳愉越吟  
翕習容裔靡靡惜惜若此者與夫唱扣之隆響動鐘  
鼓之鏗眩有殷坻頽於前曲度難勝皆與謠俗汁協  
律呂相應其奏樂也則木石潤色其吐哀也則淒風  
暴興或超延露而駕辯或踰綠水而采菱軍馬弭髦  
而仰秣淵魚竦鱗而上升酣滑半八音并歡情留良  
辰征魯陽揮戈而高麾迴曜靈於太清將轉西日而  
再中齊既往之精誠昔者夏后氏朝羣臣於茲土而  
執玉帛者以萬國蓋亦先王之所高會而四方之所  
軌則春秋之際要盟之主闔閭信其威夫差窮其武  
內果伍員之謀外騁孫子之奇勝疆楚於拓舉棲勁  
越於會稽闕溝乎商魯爭長於黃池徒以江湖險陂

物產殷充繞雷未足言其固鄭白未足語其豐士有  
陷堅之銳俗有節概之風睚眦則挺劍喑鳴則彎弓  
擁之者龍騰據之者虎視麾城若振搞塞旗若顧指  
雖帶甲一朝而元功遠致雖累葉百疊而富彊相繼  
樂涓衍其方域列僊集其土地桂父練形而易色赤  
須蟬蛻而附麗中夏比焉畢世而罕見丹青圖其象珍  
瑋貴其寶利也舜禹游焉沒齒而忘歸精靈留其山  
阿翫其奇麗也剖判庶士商摧萬俗國有鬱鞅而顯  
敵邦有湫阨而蹢躅伊茲都之函弘傾神州而輶櫝  
仰南斗以斟酌兼二儀之優渥繇此而揆之西蜀之  
於東吳小大之相絕也亦猶棘林螢耀而與夫樛木  
龍燭也否秦之相背也亦猶帝之懸解而與桎梏疏  
屬也庸可共世而論巨細同年而議豐確乎暨其幽  
遐獨邃寥廓閒與耳目之所不該足趾之所不蹈侔  
儻之極異詎詭之殊事藏埋於終古而未寤於前覺  
也若吾子之所傳孟浪之遺言畧舉其梗槩而未得

其要  
妙也





姑蘇志卷十六

欽定四庫全書

史部  
姑蘇志卷十七

詳校官編修<sub>臣</sub>曹振鏞

檢討<sub>臣</sub>德生覆勘

總校官知縣<sub>臣</sub>楊懋珩

校對官中書<sub>臣</sub>李斯咏

謄錄監生<sub>臣</sub>劉清澗

欽定四庫全書

姑蘇志卷十七

明 王鏊 撰

坊巷

表厥宅里自周有之所以賢其人也後世乃以表  
科第近又以表其官此有司崇重激勵之意其亦  
甚矣吳中古坊甚多其巷名亦多沿於古今並列  
焉然其義則或有不可攷者矣

東南隅坊十九

孝義坊

東慈橋巷

通闌坊

金母橋西

繡錦坊

飲馬橋北

儒教坊

飲馬橋南

旌義坊

蔡匯頭

孝友坊

南園巷東

玉淵坊

南星橋

吳會坊

舊府治東因吳會亭名

積善坊

舊府治西

阜通坊

夏侯橋西

儒學坊

烏鵲橋南宋樞密林希與諸弟所居因父槩先在國史儒學傳故名

衮繡坊

烏鵲橋北宋太子少保元絳歸老知州章站立

晉寧坊

濠股口紹聖中知州賈青造樂籍堂於此

和令坊

槐樹巷唐末舊有名紹興初楊存中居此追封和王亦先兆也

孔聖坊

南倉橋南舊有夫子廟居北景祐中方割南園地立學嘉泰初因建坊以表之

繡衣坊

南倉橋北

狀元坊

醋庫巷口淳熙間郡守韓彥質爲黃由立

○已上紹定二年重建又一坊南星橋西咸淳中郡守陳均爲阮登炳立留夢炎書

覺報坊

以覺報寺名表於巷曲章巽亨題咸淳中郡守黃萬石重修林祖恭改書

東北隅坊二十

干將坊

東市門因干將墓對峙而名

建義坊

干將坊內

真慶坊

官巷口

遷善坊

草橋東

布德坊

顧家橋東

富仁坊

魚行橋東

聞德坊

周太保橋東

崇義坊

禪興寺橋東

閻丘坊

張馬步橋北閻丘孝終所居

乘鯉坊

張馬步橋東

碧鳳坊

玄妙觀前

大雲坊

玄妙觀西林處所居處號大雲翁

秀冠坊

仁王寺前侍御史范師道所居范之前已有秀冠市蓋倣古也

慶源坊

大郎橋東丞相丁謂所居初名晉公坊後易今名

天宮坊

初春巷口天宮寺西南蓋以寺名

迎春坊

百口橋西歲以立春前一日自婁東門迎春至郡故名○已上紹定二年重建

表忠坊

祥符寺西橋北嘉熙中郡守吳潛表里人焚香祝聖人壽者

鶴市坊

故市巷口東有鶴舞橋淳祐初寓公鄭定大卿立

仁美坊

南顯子巷右史上官渙西所居

大慈坊

大慈寺爲名寶祐中郡守趙與憲立

西南隅坊十七

武狀元坊

紙郎巷淳熙十一年郡守謝師稷表林嶸所居

吳猷坊

西懋橋巷

平權坊

跨街樓南

館娃坊

西館橋東側

和豐坊

西館橋西側

好禮坊

富郎中巷嘉泰初表富嚴所居舊名德壽

麗澤坊

織里橋北

通波坊

織里橋南

孫君坊

船場巷知州孫冕修唐白頭橋建坊因名

賓興坊

貢院南即今明澤橋北

義和坊

杉瀆橋東

靈芝坊

杉瀆橋西侍其巷內皇祐五年爲侍郎蔣堂立初名難老兵部員外郎李晉卿守屏之明

年因所居產靈芝故名堂有詩謝兵部黃菊誕丘園靈配賁醴泉至和非我召美化自公宣秀色鄰三徑幽光被一廛時髦東筆郡爲我列詳編○使君有意歸門閭雅爲靈芝揭表初招隱溪邊往還者從茲認得野人居

同仁坊

金獅子巷

畫錦坊

南營西元豐中晏知止守郡爲程師孟立適其第落成坊未名朱長文有詩勝地寬閒舊



十鄰耆年得意闢高門吳中畫錦如君  
少好作坊名育故園晏得之遂以名坊

載耜坊

開元寺巷

坤維坊

瑞光寺

南宮坊

南園巷  
已上  
紹定二年重建

西北隅坊十六

西市坊

鐵瓶巷口即梅  
福所隱西寺門

嘉魚坊

魚行橋西

周武狀元坊

雍熙寺東慶元二年爲周虎  
立其居相傳吳周瑜故宅也

文正坊

普濟橋東文正書院前成化間郡  
守邱霽配立義澤坊徐有貞書

流化坊

吳縣東

盍簪坊

張馬步橋

德慶坊

禪興寺橋西宋直龍圖閣盧秉奉其親年八十餘郡爲表之

立義坊

卧佛寺西

甘節坊

承天寺東

至德坊

臯橋西泰伯廟前

吳趨坊

臯橋西南陸機詩所謂吳趨自有始請從

閭門起是也

仁風坊

十九勝巷泰伯導仁風亦陸機詩語

清嘉坊

朱明寺西陸機詩上風清且嘉

太平坊

太平橋西亦以橋名

樂圃坊

清嘉坊南朱長文所居名樂圃知州章姑建坊表之其詳見園第

純孝坊

湯家浜東里人剖心療母病今亡其名○已上紹定二年重建純孝坊嘉熙中郡守吳潛

建

附紀古坊三十二

白賁坊

金鳳坊

一作金風

鳴蜩坊

闔閭坊

常樂坊

白華坊

洊雷坊

噬嗑坊

曳練坊

或傳孔子登泰山東望吳閶門歎曰吳門有白馬如練因是立名

長干坊

處暑坊

萇楚坊

即次坊

南祀坊

望舒坊

通波坊

承浮坊

已上十七

坊屬吳縣

必大坊

循陔坊

仲呂坊

布農坊

釋菜坊

開冰坊

南政坊

八貂坊

青陽坊

一作青春

太玄坊

玉鉉坊

夷則坊

黃鸝坊

樂天詩黃鸝巷口鸞欲語  
烏鵲橋頭水未消是也

三讓坊

陋蜀坊

已上十五坊  
屬長洲縣

國朝以來坊八十二

濂溪坊

在資壽寺巷濂溪  
祠傍天順五年立

三公坊

爲尚書俞  
士悅立

榮祿坊

爲太保  
陳鑑立

翰英坊

爲詹事  
劉鉉立

及第詞林二坊

爲祭酒  
陳鑑立

世恩坊

爲永和及  
子汝霖立

世科坊

爲顧巽顧睢顧餘  
慶三世進士立

解元坊五

爲謝瑤劉昌賀  
恩王鏊唐寅立

會元坊二

爲吳寬  
王鏊立

狀元坊三

爲施槃吳寬  
朱希周立

進士坊三十

爲張祝韓雍趙禎黃鑑吳璘陳傑張翥  
孔鏞馮定劉瀚馬愈周觀文林張習董

彛徐源劉纓沈元薛英沈林孫霖顧源文森  
沈杰沈燾曹騫陸完黃暉張約許銘立

繡衣坊九

爲顧儼戈立張備林符朱  
文劉纓杜啓王俸史鑑立

都憲坊五

爲陳鑑韓雍劉  
纓陳瑒徐源立

學士清峻二坊

爲吳寬立

武選坊伯二坊

爲徐源立

會魁坊

爲孔友諒立

擢秀坊

爲行人吳得立

瑞秀坊

爲李綬立

老桂坊

爲進士奚昌立

太史坊二

爲吳一鵬陳霽立

司諫坊

爲毛理立

獻納坊

爲楊昇立

承獻坊

爲劉海立

登第坊五

爲舉人浦應祥郭忱朱木茹昂劉桐立

清卿坊

爲馬紹榮立

儒榮坊

爲顧璠立

進賢坊

爲謝會立

紹美坊

爲尤淳立

文明坊

爲雷翀立

恩光坊

爲侍御陳公賢立

東南隅卷五十八

花巷

東憇橋巷

北新街巷

南新街巷

俱卧龍街

雙井巷

有古井二

張古老巷

周司徒巷

金母橋北

鼓角營巷

孝義坊內

鹽倉巷

夏侯橋西

柴巷

夏侯橋東

閻橋巷

濠股巷

晉寧坊巷

俱草橋西南

槐樹巷

正覺寺前

樂營堂巷

廿八錢巷

十郎巷

逍遙巷

俱甫  
橋南

儒達巷

司馬巷

道堂巷

俱馬宗  
橋南

胡書記巷

有橋  
故名

張泥金浜巷

白蜆橋巷

盡市橋巷

萬壽  
寺西

夾城巷

東禪  
寺前

石匠巷

雙塔寺東因  
有石作居此

王判司巷

葉家巷

望信  
橋西

積慶寺巷

善教  
橋北

孔夫子巷

昔有夫  
子廟

顏回巷

夫子巷後蓋  
後人擬此



醋庫巷

有黃由  
狀元坊

金雀巷

水僊  
廟前

水僊廟巷

衮繡坊巷

公孫巷

俱烏鵲  
橋東北

皂莢巷

馬軍巷

四酒務巷

俱平  
橋南

龐耆巷

旌義坊巷

孝友坊巷

通津巷

俱飲馬  
橋南

翁家巷

東楊家巷

俱府  
學東

白重章巷

倪真巷

五聖巷

長洲縣前

五龍堂巷

趙家園巷

破井巷

船舫巷

蓮城巷

俱帶城橋西

黃師巷

石皮巷

南白塔子巷

善教橋對

蘇家巷

東北隅巷六十八

富仁坊巷

魚行橋東

吉油巷

大酒巷

舊名黃土曲巷唐有富人治亭館醞美酒以延賓旅酒價頗高故名

條坊巷

塔兒巷

九勝巷

寶積寺北

寶積寺後巷

大雲坊巷

玄妙觀西

宮巷

玄妙觀前唐稱紫極宮故今猶名

油巷

草橋西

丁晉公巷

俗名丁家巷甫橋北

周將軍巷

醋坊橋東舊名九曲牆巷吳周瑜故宅宋周虎居此故名

蕭家巷

資壽寺巷

巾子巷

朱張巷

萬壽寺後

真慶坊巷

迎僊坊巷

積善坊巷

阜通坊巷

錦繡坊巷

南寨巷

北寨巷

金將仕巷

破樓巷

淨河巷

郭樂官巷

范虹蜺巷

俱在玄妙觀東丞相府西

蘆荻巷

喬司空巷

乘鯉坊巷

俗名鸚哥巷

閭丘坊巷

張馬步橋東

祥符寺巷

故市巷

俗名袴子巷

章家橋巷

南王家巷

北王家巷

俱卧龍街

王武功巷

張家園巷

石塘巷

樂鼓巷

官沙巷

天妃宮前

車欄巷

寶光寺西

倪巷

顯子巷

碎金巷

碎銀巷

東故市巷

花橋巷

碧鳳坊巷

珍珠巷

運通巷

包婆巷

俱臨  
頓里

迎春坊巷

百家巷

以百口  
橋故名

騎龍巷

張香  
橋巷

李基巷

周通橋巷

任蔣巷

周坊巷

白塔子巷

流真巷

丁香巷

南顯子巷

北顯子巷

崇甫巷

唐家巷

新橋巷

俱齊門內

西南隅巷五十三

紙郎巷

花巷對

懋橋巷

孝義坊對

明月巷

平權巷

倉後巷

俱卧龍街

東米巷

在館娃坊

大石頭巷

通平權坊

娥眉橋巷

荳粉巷

勾欄巷

西米巷

在和豐

府後巷

柳巷

花街巷

八娘子巷

俱府治後

中街巷

府治西俗名羊肉巷

東打繩巷

支家巷

板寮巷

廟堂巷

柳巷對

富郎中巷

太平橋南

陸侍郎巷

在中街巷內

四天燈巷

女冠子橋西

陳麻皮巷

東船場巷

西船場巷

壽寧巷

侍其巷

靈芝坊內侍其沔所居



新橋巷

穿堂巷

芙蓉巷

雙隱巷

社壇巷

楊家巷

府學前

南園巷

蒲帆巷

朱香獅巷

開元寺後巷

廟灣巷

泮環巷

西包司巷

太師巷

郭家巷

晝錦坊巷

蓮花池巷

東採蓮巷

西採蓮巷

射朶巷

金獅子巷

在同仁坊

果子巷

水糲巷

天燈巷

孔家園巷

燈心園巷

五郎園巷

俱胥門內

西北隅巷四十七

鐵瓶巷

在西市坊口

康王廟巷

彈子巷

嘉魚坊巷

俗名孫織紗巷

尚書巷

故吳文定公所居弘治十七年知府林世遠立舊名脩竹

光盪巷

黃土塔橋南

糜都兵巷

流化坊巷

吳縣治東

周武狀元巷

祭祀巷

蒲菱巷

雙林巷

盍簪坊巷

德慶坊巷

已上十四巷俱卧龍街

桑園巷

馬大錄巷

曹家巷

高師巷

王洗馬巷

仁風巷

純孝坊巷

俱中街路內

東百花巷

西百花巷

繡線巷

海紅花巷

許蘊子巷

樂圃坊巷

金銀巷

吳殿直巷

小市橋北吳感所居因名

斑竹巷

查先生巷

小市橋東北

通濟巷

王天井巷

城隍廟西

普濟巷

長春巷

德勝巷

湯家巷

臯橋東側  
有湯家浜

書巷

石塔子巷

閶門內

鄭使橋巷

梵門橋巷

王樞密巷

周五郎巷

寨兒巷

俱在吳趨坊內

徐大船巷

昇平橋巷

蔣家橋巷

鑽龜巷

一名鱖諸巷今稱吳音訛耳

城外

義澤巷

閭門外釣橋下俗名狗肉巷雖隘而商賈所集

方基巷

蓬巷

小豬巷

已上在渡僧橋

丁家巷

石牌巷

陸公橋南吳長二縣立界牌于此故名已上在上塘

義慈巷

樂營堂巷

碧潭巷

舊名陳燈草巷

姚家巷

已上在南濠

鄭家園巷

葑門外安里橋北

石衢巷

肖浜巷

張氏故居今有進士二坊

周方巷

蔣家橋西

施家巷

今稱朱孝子巷

陳僉事巷

邢家巷

崑山縣坊四十九

近民坊

縣治西南今名齊禮

覽德坊

縣治東今易名道德

平政坊

縣治南今名宣化

武寧坊

平橋西

成達坊

縣學東今名興賢

朝京坊

西柵

朝宗坊

南柵

婁豐坊

北柵

王鎮坊

馬鞍山前

忠正坊

趙忠簡府前

登平坊

倉巷內

春和坊

平橋東

登春坊

柵巷

日新坊

前修街

又新坊

後新街

通德坊

鄭大資府前

安定坊

安定橋西

太平坊

太平橋南

積善坊

甫庫橋西

富德坊

甫庫橋北

儒學坊

茅家橋東

寶信坊

寶月橋西

貴德坊

通關橋東

德潤坊

後市橋南



明德坊

後市巷西

餘慶坊

葦菜橋東

厚俗坊

陳老橋東

片玉坊

陳老橋西

安榮坊

姚家巷內

興仁坊

東城巷內

惠政坊

關巷內

近賢坊

醋庫巷內。已上三十二坊宋淳祐間縣

丞項公澤建主簿吳堅書扁

孝感坊

在縣市片玉坊內寶祐乙卯邑人曹椿年

封股療母病知縣胡啓白于郡郡守趙汝歷立坊以表之及借補椿年爲承信郎

旌孝坊

在忠正坊北咸淳壬申邑人榮生封股救母建坊

光化

平樂

招賢

永昌四坊

載古經今不可考

狀元坊三

淳熙甲辰衛涇魁天下始建坊于石浦鎮國朝又二坊爲朱希周顧鼎臣立

太卿霑恩二坊

平橋南爲夏景立

雙秀坊

富春橋北爲張和張穆皆官憲副立先名雙桂

會元坊

酒坊橋下爲陸鈇立

經魁坊

爲方鵬立

進士坊十三

爲盧瑛葉盛沈祥鄭文康高敞吳瑞吳愈虞臣朱拭陸昆項棟王秩闕立

紫薇坊

爲項璉立

畫錦坊

爲吳凱立

雙璧坊

爲柴奇立

繡衣坊

爲王倬顧潛立

金榜傳芳坊

爲進士吳蘭立

巷二十七

社壇巷

醋庫巷

進賢橋北宋元醋庫在此

東寺巷

西寺巷

北倉巷

東城巷

弓手巷

西寺巷東北

華亭巷

後市巷

明德坊東

州廳巷

貴德坊東

姚家巷

安榮坊北

項客巷

金童巷

秦家巷

潘家巷

縣治東北  
旌孝坊內

鄧家巷

章家巷

郁家巷

片玉  
坊內

辛家巷

孫家巷

明王堂巷

李侍御巷

通閣橋東宋  
李衡所居

顧二耆巷

太平  
坊內

陳賣羊巷

楊編笄巷

春和  
坊北

柴巷

半山橋  
東南

焚巷

已上載  
玉峯志

常熟縣坊三十一

子游闕里

春風坊

迎恩橋東

迎僊坊

望僊橋東

壽安坊

縣治西臨何家橋

衍慶坊

慧日寺東

牧愛坊

縣治南成化十一年立今名花封

飛鳥坊

縣治左宣德間建今更名仁壽

阜民坊

縣治左舊名富民

袞繡坊

慧日寺西爲宋曾丞相建

叢桂坊

慧日寺南宋爲冷世光兄弟建

文學坊

文學橋西

通濟坊

縣治東臨通濟橋

虞山坊

慧日寺西以山爲名

聚星坊

市心北宋爲錢邱富諸公建

紫薇坊

聚星坊西宋爲崔子平建

興福坊

縣治東北興福巷已上舊坊

五桂坊

縣治西北景泰間爲章儀章表章格章律章度立

學士坊

弘治間爲李傑立

文魁坊

正統戊午爲呂困立

都憲尚書二坊

爲程宗立

解元坊二

爲沈諱章表立

進士坊八

爲錢昕湯琛陸潤瞿俊錢承德周木葉預立

卷二十二

吳國言公東西二巷

縣治東西舊名子游巷

新街巷

縣治東

捕盜巷

縣治東北

青果巷

縣治東果菜交易之處

金駝巷

廟巷

白家巷

花園巷

太平巷

俱縣治  
東南

鎮橋北巷

縣治  
西

朱師巷

陳家巷

俱縣治  
西南

冷家巷

冷世光  
所居

隱僊巷

虞山  
下

東塔巷

迎恩  
橋東

槐柳巷

通虞  
山

何家巷

縣治  
西

興福巷

縣治  
東北

曾家巷

曾丞相  
所居

市心巷

何家  
橋

邵巷

縣治  
西北

吳江縣坊二十三

延壽坊

縣市中延祐元年立

顯德坊

運河南

衍慶坊

昭靈觀前

僊里坊

僊里橋南

壽山福海二坊

北寺前

福德昭應二坊

城隍廟前已上四坊洪

熙元年立

大有永濟二坊

濟農倉前

登雲坊

正統六年松陵驛丞鄭溫中南京鄉試立坊於驛前

旌孝坊

震澤鎮宋寶祐二年知府趙汝歷爲孝子陸十七立已廢洪武三年知州孔克中立

狀元坊

洪武三年爲淳祐特奏名狀元魏汝賢立



會元坊

成化十七年爲趙寬立二坊俱在縣學前

進士坊九

爲范琮莫震梅倫黃著吳洪葉紳吳鋆魯昂王哲立

卷四

鐵局巷

縣東積善鄉北至正間有鐵匠局在內故名

北寺巷

縣西延壽坊北

勾欄巷

鐵局巷後

合掌巷

縣東北

嘉定縣坊三十五

守忠坊

縣治東寶慶橋

安業坊

縣治東寶慶橋西

里仁坊

縣治東普濟橋北

正心坊

縣治東晏海門內

嘉禾坊

縣治西廣平橋北

濟民坊

縣治西僕射巷口

慶宣坊

縣治西廟涇橋東

珠還坊

縣治西合浦門內

富廩坊

縣治西倉巷口

太平坊

縣治南巷口

永安坊

縣治南登龍橋南

興賢坊

縣治前登龍橋南

孝感坊

朝京門內

德富坊

太平坊東

富安坊

縣治南

便帆坊

永安橋北

奉僊坊

熙春橋南

拱星坊

縣治東北巷口

呈瑞坊

孩兒橋北

大德坊

大德橋北

丹桂坊

普濟橋

崇文坊

保安橋

解元都憲二坊

爲徐瑄立

世科坊

爲徐闕立

進士坊六

爲潘暄范純徐博李宗祐李良揚錦立

都諫清要二坊

安亭鎮爲楊瑛立

登龍門步蟾窟二坊

澄江門內爲葛鏞立

卷十五

倉巷

縣治西太平橋北

新巷

縣治西昆福寺西偏

南巷

在興賢坊

北巷

在拱星坊

孩兒橋巷

縣治東普濟橋南

張馬巷

縣西南隅

東市橋巷

縣東普濟橋南

後巷

三教堂前

烏盆巷

縣東南隅

盛巷

縣治北大德橋北

于巷

縣治西隱寺西

僕射巷

縣治西崇真道院西

宅西巷

縣治西登平橋

宣巷

縣治東即管家巷

李巷

縣治西孩兒橋

太倉州坊四十六

明德坊

太倉衛前

仁政坊

明德坊北

崇文坊

甘泉巷北

興政坊

旗纛廟前

聲教坊

鼓樓橋東

里仁坊

鎮民橋北

廣寰坊

武陵橋南

中正坊

武陵橋南

豐積坊

明德坊南

富安坊

豐積坊東

豐義坊

早涇橋北

富潤坊

早涇橋南

大和坊

早涇橋下

興隆坊

鎮海衛前

興德坊

興隆坊北

佑聖坊

在巷內

德潤坊

靈官廟東

積善坊

城東西橋東

餘慶坊

城東西橋西

太平坊

鼓樓橋下

通濟坊

鎮民橋西

畫錦坊

三同橋北

安福坊

畫錦坊南

義和坊

東門橋下

通海坊

景祥坊西

景祥坊

海門第一橋北

仁厚坊

景祥坊北

廣濟坊

永安橋西

東華坊

靈慈宮前

長春坊

長春橋下

進賢坊

鹽倉東

德濟坊

鹽倉西

登瀛坊

登瀛橋下

富盈坊

八字橋東

會元坊

儒學西爲太常卿陸錢立

狀元坊

爲毛澄立

進士坊

爲陳璉陳琦陸景顧瑾郭經夏時陸容姜昂黃宣立

人瑞坊

弘治十一年巡撫都御史彭禮爲毛澄祖百歲翁立

巷十

甘泉巷

富民橋北

積寶巷

旱涇橋南

旗纛巷

興政坊內

北巷

武陵橋北

安泰巷

稅課局西

泰福巷

安福橋下

泰昌巷

東門橋東

仁和巷

仁德巷

仁和巷內

鹽鐵巷

儒學西

崇明縣坊三十四

宣明坊

思政坊

縣西通承恩門

愛民坊

崇文坊

縣右南通迎薰門

朝陽坊

在縣東

敬順坊

東門內與美化坊相對

同樂坊

昇平橋西

居安坊

昇平橋東

熙春坊

昇平橋南

遷善坊

熙春坊南



咸寧坊

遷善坊南

壽康坊

遷善坊南相對咸寧坊

中順坊

集義坊

迎薰坊

思敬坊

城隍廟東

明威坊

城隍廟西

阜民坊

縣右北通安順門

永安坊

通明坊

泰和坊

居仁坊

益潤坊

西城坊

通泗橋西

拱宸坊

安定坊

保民坊

景賢坊

文廟西

從善坊

敷政坊

縣南

正俗坊

縣東

還淳坊

已上三坊洪武三年立

美化坊

東門內

保安坊

城隍廟東

巷十七

明禮巷

南城東

朝陽巷

南城西

興賢巷

儒學前

思敬巷

城隍廟前

忠孝巷

城隍廟北

濟農巷

忠孝巷北

集義巷

縣西

景賢巷

儒學西

從善巷

儒學東

居仁巷

寧洋門內南

熙春巷

寧洋門內北

瀛洲巷

寶慶觀前

西城巷

承恩門內南

樂遂巷

承恩門內北

咸寧巷

安順門內東

武安巷

安順門內西

明威巷

千戶所東

姑蘇志卷十七